

يا كربله يم الدما يا كطعه من هاي السمه
بالجنه نلگاه نصرخ حسينا

تستقبلك يا ابو علي هاي السماوات
وتبجي عليك امن الدما عبرات وعبرات
حمرة المغرب شاهده وللدينا آيات
منحرك بيها منصبغ يا بو الكرامات

جنة عدن أقدس وطن گبرك يظلوم
بس نجمع نجري الدمع تتفرج اهموم

عاشور مو بس موسمه كل يوم نحبي ماتمه
بالجنه نلگاه نصرخ حسينا

يمك إجابات الدعا لاشك ولاريب
كل من توسل وانتخى لمراده أيب
وكل صرخه توصل للسما وتسمعا ما اتغيب
وكل من سألك بحاجته لا والله ما يخب

بمحرمك ونحشّمك وتردنا حشاك
نلّكى الدّفا والعاطفه بس لما ننخاك

خيلك وصل لمخيّمه وبيننا زرع حزن وظمى
بالجنة نلّگاه نصرخ حسيناها

كل دمه معراج بشجن للونه عنوان
وما بين جفيك الدمع لولو أو مرجان
بس هالوسيله سيدي تدخلنا لجنان
باگي أمرنا برحمتك يا عالي الشان

نخشع إلك ويوصلك تسبيح وتهليل
منهو لنا بساعة ضنا من يلفي الليل

يجمعنا حزن محرمه وتنظرنا امه فاطمه
بالجنة نلگاه نصرخ حسيناها

نركع ونسجد و الثرى يجمعنا وياك
ياخذنا للصار وجرى من فعلة اعداك
نذكر ضجيج أهل الخدر نذكر يتاماك
والنسوة فرت هايمه حيرانه تنعاك

فوك الثرى خير الورى وتصلي لملاك
يم جثتك من محنتك مفجوعه تنعاك

يمغسل بفيض الدمه واملاك ربي اتكلمه
بالجنة نلگاه نصرخ حسيناه

ما بين كبرك والسما عطر القداسه
يللي بكى فوك الثرى مكطوع راسه
دين الله باسمك معتلي ثابت أساسه
وبالجنة بيدك يا شهم أمر الرياسه

غيمة مطر ساعة سحر وكت استجابه
وبمشهدك يتوددك كلب لثوابه

بس نسال الله الخاتمه وببيدك عطف ومرحمه
بالجنة نلگاه نصرخ حسيناه